



Ingerlatseriaaseq – Matematik B

Nutaanik ilanngussineq 30.10.20

1. Aallaqqaasiut:

Ilinniarnertuunngorniartarnermik iluarsaanermut atatillugu, 2017-2022-mut ingerlanneqartumi, GUX-imi ilikkagassatut pilersaarutit ukiumi atuarfiusumi 2017/18-imi iluarsarneqarput. Ilikkagassatut pilersaarutit iluarsarneqarsimasut misileraalluni aqqissuussinertut atuutilerput ukiumi atuarfiusumi 2018/19-imi.

Ilikkagassatut pilersaarutit malunnaatilimmik allannguuteqartut ilagaat Matematik B-mut ilikkagassatut pilersaarutit, pingaartumik soraarummeeriaatsit pillugit. Soraarummeernermi soraarummeeriaatsinik marlunnik toqqagassaqaqarsimagaluarnermi Matematik B-mi soraarummeernermi oqaluttariarsornermik soraarummeerneq kisimi periarfissanngussaaq.

Soraarummeeriaatsimi tassani assigiinngissut pingaarneq tassaavoq, immikkut allattariarsornermik soraarummeernerunngimmat, kisianni namminersorluni allattariarsorluni suliaq, atuartitsinerup iluani suliarineqartartoq, inaarutitut soraarummeernermi tunngavissanut ilaasarmat.

2. Atuartitsissummi misilitsinnermut namminersorluni allattariarsorluni suliaq

2.a Namminersorluni allattariarsorluni suliaq

Namminersorluni allattariarsorluni suliamut najoqqutassiaq Matematikkimi suliasanum kommissionimit suliarineqartarpoq. Namminersorluni allattariarsorluni suliamut najoqqutassiaq WISEFLOW atorlugu ulloq allannissamut piffissap aallartiffianit iserfigineqarsinnaalertarpoq.

2.b Namminersorluni allattariarsorluni suliamik allannissamut piffissarititaasoq

Matematik B-mi namminersorluni allattariarsorluni suliami allannissamut ullut piffissaliunneqarsimasut Ilinniartitaanermut Naalakkersuisoqarfiup ukiut tamaasa aalajangertarpai.



Namminersorluni allattariarsorluni suliaq piffissaliussap iluani allanneqartarpoq.

Ilinniarnertuunngorniarnifinili ataasiakkaani soraarummeernermit akisisussaasup namminersorluni allattariarsorluni suliaq qaqagukkut agguanneqassanersoq aamma tunniussiniklut katersorneqassanersoq aalajangertarparaa. Taallaalli tamanna pisassalluni piffissaliunneqarsimasup iluani, tunniussinissamut piffissaq kingulliusarpoq namminersorluni allattariarsorluni suliamut pissaliunneqartumut ullorititaq kingulleq naappat.

3. Matematik B-mi soraarummeerneq

Matematik B-mi ilikkagassatut pilersaarummi 2018-imeersumi soraarummeeriaaseq pillugu imatut allassimasoqarpoq:

“Oqaluttariarsorluni misilitsittoqassaaq soraarummeertup namminersorluni allattariarsorluni suliaa aallaavigalugu, tak. imm. 4.2, aamma suliaq ilisimaneqareersoq makitsiniklut tunniunneqartoq. Suliassaq atuartitsinermit qulequtaqarluni suliamut ataatsimut tunngassuteqassaaq, tak. imm. 4.2. Aammalu soraarummeertoq makitsiniklut ilisimariinngisaminik suliaq ilisimaneqareersoq, atuartitsissummi piomasagaatinik minnerpaanik misiliinertut.”

Tamanna isumaqarpoq matematik B-mi soraarummeertoqarsinnaasoq naak namminersorluni allattariarsorluni suliamik tunniussisimangikkaluarluni, kisianni erseqqissarneqassaaq ilinniartut soraarummeernermit annertuumik angusinissamut periarfissakinnerussammata, namminersorluni allattariarsorluni suliaq oqaluttariarsorluni soraarummeernermit tunngavileeqataasussaamat. Namminersorluni allattariarsorluni suliaq saniatigut makitsiniklut suliaq ilisimaneqareersoq tunniunneqassaaq, aamma ilisimariinngisaq suliaq ilisimaneqareersoq atuartitsissummi piomasagaatinik minnerpaanik misiliinertut.

4. Ilinniarnertuunngorniarnifinni ilinniarnermut ileqqorissaarnermullu malittarisassat pillugit Namminersorlutik Oqartussat nalunaarutaat nr. 10, 23. juli 2012-imeersumi § 9, imm. 1, nr. 4 naapertorlugu iliuuseqarfigineqarsimasut

Ilinniarnermut ileqqorissaarnermullu malittarisassat pillugit nalunaarummi atuartitsinermit ilinniarnifinni najuunnissamik piomasagaataaffiusuni naammassinnissimangitsunut kinguneqartitsinissamik periarfissiisoqarpoq, ilinniartitsissutini arlalinni tamaniluunniit soraarummeernissaq innersuussisoqarsinnaavoq.



Ilinniartumut kinguneqartitsisoqarpat aalajangersagaq taanna naapertorlugu, atuartitsissummi killiffimmi karakteriliisoqartanngilaq. Ilinniartoq atuartitsissummi soraarummiissaaq, taamaattumillu taamaallaat soraarummeernermi karakterilerneqassalluni.

Matematik B tassuuna immikkooruteqarpoq, naak inaarutaasumik allattariarsornermi oqaluttariarsornermilu killiffimmi karakteriliisoqartaraluartoq soraarummeernermi ataasiinnarmik karakteriliisoqartarpoq. Soraarummeerneq oqaluttariarsorneruvoq, kisianni namminersorluni allattariarsorluni suliaq atuartitsinerup iluani suliarineqartartoq aamma soraarummeernermi sinaakutissanik pilersitseqataasarpoq.

Tamatuma kinguneraa ilinniartoq ilinniarneq ileqqorissarnerlu pillugit nalunaarutip § 9, imm. 1, nr. 4 naapertorlugu iliuuseqarfigineqarsimasoq, soraarummeersimanermut uppersaammuni inaarutaasumik allattariarsornermik oqaluttariarsornermillu killiffimmi karaktereqassanngilaq, taamaallaalli ataasiinnarmik matematik B-mi soraarummeernermi karaktereqassalluni.

5. Censorinik akissarsiaqartitsineq

Censori aamma soraarummeersitsisoq oqaluttariarsornikkut misilitsinnerni akissarsiaqartinneqassapput, tak. sulinermi piffissalersuineq pillugu isumaqatigiissut.

Inussiarnersumik inuulluaqqusilluta

Med venlig hilsen

Ilinniartitaanermut, Kultureqarnermut Ilageeqarnermullu Naalakkersuisoqarfik
Departementet for Uddannelse, Kultur og Kirke

